





止齋先生文集卷之一

歌辭

暮之春六章章五句

先生有堂曰暮春

暮之春兮物維其嘉乾際兮坤涯母將雛兮彼實者華魚在

藻兮燕于還于故家今者不樂兮云何

暮之春兮風日與柔柔女兮南嚮相爾夏畦兮悲秋新冰兮

長夜無表今者不樂兮何求

暮之春兮雍雍熙熙堯裳兮舜衣五絃之琴兮一變曾不知

結繩與秉鉞兮何時瞻言千載兮忽焉其遠而

山有龜蒙兮水有沂天未喪斯文兮在茲二三子兮皇皇欲

何之鼓瑟兮為誰捨此兮吾將安歸

止齋兮年年室環堵兮兩山有川鷗鷺巢簷兮圓荷田田豈

無芳草兮杜鵑世微孔孟獨抱乎韋編



雲漢之章兮光燭天朝宗兮列仙胡歸晚兮病骨拳然與  
我商兮忘食與眠點爾何如兮吾未知其孰賢

西廟招辭并序

淳熙十有三年二月知瑞安縣事公非先生之曾孫劉龜  
從再作西廟以祠宣和縣令王公經國於其落也邑人陳  
景為作迎神一章使工歌之經國字公濟其守禦事許忠  
簡公嘗識之故不叙

君昔兮胡不去斯君今兮胡不來斯文棟兮凋楣峴山之麓  
兮江圻旨酒牲兮潔肥皓遺老兮鬚眉以擊鼓兮吹篪君勿  
來兮遲遲山蛇蛟兮榕陰菱蕤江水清夷兮無蛟與螭君之  
禾兮可以娛嬉君不共安兮誰與共危鳴玉兮衮衣彼亦君  
兮一時莽中州兮為夷匪豕則廟兮牛羊壘纍尚我民兮有  
知子孫兮永依揆之兮以是非君舍此兮安之田有畔兮

澤有波桑稻兮誕彌懷不報兮怵怩日早暮兮夜何其猶容  
與兮誰須

古詩

落葉一首別諸友客新昌

落葉一二數逸夜忽已午百年能幾何望道猶未睹清揚得  
邂逅簡易從險阻明朝買扁舟萬議付風雨新詩話別恨為  
我謝酸楚蒼蒼歲後竹白首見肺腑要有不別時口居一環  
堵

讀范文正公神道碑有感佚事

武侯不可致元德造其廬公在衰經中乃上時政書維時君  
臣定事與草昧殊出處千載同豈必名迹如行伍拔大將寒  
饑得名儒推轂天下士百年用其餘生平慕河汾未許王魏  
俱慙慙八司馬意獨何區區自古朋黨論消復莽無期誰令



羣疑亡韓富及有為惜哉公不見功名止西陲

送國子監丞顏幾聖提舉江東分韻得動字

長安夜未艾客枕厭牽動平明視天闕劍珮鳴玼璫學省雖  
冷官上意嚮周孔六飛自天下多士溘雲滃獲殮燕華庶道  
義發醯蠶方將屬耆英高舉出埃壟離觴春駘蕩歸路月種  
龐勲業當及時十年付南董

懷寧國守鄭少卿景望

一日一度過短牆三日風雨撓我腸天球河圖在東序保障  
陶絲分晉陽我欲從之若水遠搔首不見月滿廊笑看兒女  
羅列拜老人星下燒夜香

送宋國博 參議江東分韻得夜字前年

上幸學一時同舍今去略盡為之悵然

南門供帳江上亭北門觴酒湖邊榭兩年出餞略可數徃徃

行人半同舍憶昔翠華臨壁海儒先一日爭聲價蘇君舌掉  
巫峽水楊君氣奪幽并夜黃君石砭不可轉夫子居然口鼻  
竿艾軒風流天下少獨奏咸韶無漢夏黃梁未熟事如許白  
髮不生心亦怕古來賢俊多坎軻道與世違胡足詫武皇好  
少臣已老孟子尊王君尚霸嗟乎夫子幸遭時諸公衮衮皆  
流亞德尊不過五品薄歲晚曾無一餘暇君恩豈必問湖海  
家事姑惟問桑稼此行端可振頽俗令我短轅今欲駕

遊鼓山

鼓山聞天下一見名不空自從周職方閩在王會中登山亦  
幾人興寄隨所逢騎君常憶日遷客多悲風劍川發旣西馬  
阻與海通忽焉得平壤北山臺其東我行未及巔已見國勢  
雄三韓到吳會不可道里窮俯瞰南來帆汙汙自朝宗墨時  
諸降王各撫千里封相招神衙圖厥獻東都宮東都今何如



胡馬鳴蒿蓬一春長雨霧明日歸樊籠恣探泉石幽篁燈道  
歸筇

和孫偉卿雜言十一

萬事如浮雲可翫不可專三年刻一葉未就骨已朽  
可憐負薪子誤有廊廟志出門欲何之馬拙車未試  
一鉢腹果然身外百不須深知飢方朔不似飽侏儒  
墮落生死間大患為有身老子識未破天地豈不仁  
幽居悟前疲寡欲得身健筮之此何祥厥絲無水困  
有書但插架有門亦常關是非天下爭而我土石頑  
好酒來誰家明月得我心把酒弄明月醉卧盜不侵  
阮窮果何尤利達竟誰在眷言荷鋤人妻子敬相待  
或勸著子書我恐落人世呼兒具紙筆一歲復一歲  
人事盡鄉曲田租了王官獨於大海枯不改古井寒

送林正仲丞玉山

去年我為客持酒送君歸君今理征驂我適卧舊廬人生足  
離合仕宦相乘除科名餘十年丞縣亦既遲顏色日愈好絕  
口無歡款自言有時命歲宴知何如深歲濟人具不作借勢  
書虛名多自誤徐步乃疾驅從茲扶老眼看君上亨衢

和林懿仲喜雪韻

常賜厥咎何君相疚朝夕愧莫慰羣黎妻其望三白是心與  
天通昨夜平地尺簔笠在東阡獲糶在西陌忍待明年飽欣  
及吾事隙海宇正無塵草木亦煥赫遙知紫宸朝千官手加  
額溫綸祭龍光賀牘交馬跡銜枚懸瓠城仗節屐延澤獨擁  
藍關馬共飢滹沱麥更願吾君相對此念忠赤當今挾纊溫  
恩意到疆場有士如有年要豈旦日積素安自甘寢掃軌無  
過客



再和前韻

冬夜苦難曉短景復易夕安得戶牖光不待東方白恍如游  
化城瓊臺若干尺英華發林藪餘彩散阡陌平鋪浩無垠巽  
入微有隙忍寒貪縱觀未賴朝曦赫柳綿著歌茵梅片墮粧  
頭噉然羣汗中有意欲比迹自識玉皇家癯仙陋山澤新采  
學為農遭歲屢無麥稊子色恒饑老婢脚盡赤一鉢今有待  
喜更問瓜場歸來看林頭執粟幸餘積且以炊春醪號召已  
散客

除夜用前韻

又添犬馬齒常恐牛羊夕牙無數株牢鬢已大半白六朝貴  
人家珊瑚高數尺復有陵邑豪沃壤動連陌居然燕巢幙忽  
矣駒過隙伊傳亦中壽至今名赫赫蒼苔附風雨曾乏斷碑  
額中原五十載胡騎亂禹跡誰當懶折腰去學陶彭澤憂端

壓不下中夜歌秀麥昭代豈無人腰黃眼前赤鴻儒舊禁省  
壯士守邊場罷歌且盃酒澆此懷抱積柴門剝剝響已有贊  
年客

和林宗簡除夜韻余與宗簡皆病餘而除夜皆賦詩  
因反前意

窮懷卿相憂老作兒女悲百爾皆妄想一緊看新詩短長總  
歸盡君閱古盛衰煌煌五侯家寬作數世期經史或不讀名  
字亦奚為茂對乾三陽靜養月一規

再用喜雪除夕二韻寄宗簡

百年彈指頃羣動不違夕變彼情游者長夜浮太白豪俠旁  
無人卧我樓百尺衲子縛禪靜不敢踐桑陌武夫髀肉滿  
晚候邊隙道家求不死真火養陰赫躁人于速化自點雷門  
額書生苦穿鑿奇字窮鳥迹何如吾老農一雨犁春澤相忘



與雞豚所辨饒裁來不聞有孔子安識由與赤紛紛舉世士  
肝膽自疆場老翁捧腹笑空洞無一積有米問時事請以臆  
對客

子歌我有感我和子益悲文武有天下二南無變詩陵夷及  
其季小雅亦既衰殷人早墜命秦氏不及期治身如治國天  
壽人所為舊志何時已與子看前規

賦芙蓉簡諸友

我欲待明月相從弄芙蓉月郭一再滿我行竟徐徐誅茅因  
黃埃開卷疲蠹魚纏縛二事間紅披綠蕭疎秋風白髮生撫  
事增歎歎美人隔雲山芙蓉並吾廬近者不得見逾遠還何  
如花無三月長人壽千歲餘相期不朽事勿與草木俱君上  
鍾鼎銘我作山澤麀

送楊似之提舉湖南

昨日有客去分符今朝有客來攬轡葦芽撥盡筍可剝送客  
馬知老將至儒雅風流能有幾南宮先生無乃是十年不復  
夢蓬山萬里何為隔湘水葉公歸然地官貳顏公領袖天下  
士星聯郎署尤與何次第諸公亦連茹一時臺省舊名德十  
見班行已三四可令僕馬病崔嵬獨抱蘭蓀吊憔悴漁樵混  
迹山窟處故故肯臨人不記酒半停盃問鬚髮夜闌秉燭徵  
文字多時渴見痛折節萬事要看方得意先生行矣扈甘泉  
請自此心扶大議薛士昭寺丞赴衡陽守之翌日而似之更  
尚書郎尤延之向一之同在  
餉學今皆還朝故併及之

哭呂伯恭郎中舟行寄諸友

去年上溪船落日建安旄今年上溪船濡露金華草當代能  
幾人胡不白髮早念昔會合時心事得傾倒倚廬魚鼓夜聯  
轡鷄人曉遐搜接混茫細剖入幽眇挹注隘溟渤扶携薄穿



昊斯文何契闊之子復凋槁百年在無窮寥廓一過鳥家人  
微舊聞學者拾餘藁區區存萬一散逸誰可保君看魯論上  
彭壽顏回夭于今懸日月豈必言語好儻無後來者泯沒秋  
毫小南浮吳蜀會北顧關河杳懷哉各努力人物古來少

張冠卿以前詩 懷哉各努力人物古來少之句為  
十詩見寄次韻奉酬

明月不可沈有時障氛霾芙蓉生淤泥豈必所處佳老子苦  
鍊藏釋氏多遣排如欲盡物累自古誰好懷

連楹着胡椒環堵誦蒿萊節士亦良苦乃築懷清臺世故何  
浩蕩人心亦崔嵬之子訪田舍歎絲安在哉

冥心觀宇宙孰是同與各夜旦無反惡日出星河落此有齊  
人瑟彼有荆人璞嗟余耳目短豈故重然諾

朝雞警冠劍巷犬吠村塢胡然子列子越在鄭東南永懷王

黍離莫與戊申許雞犬各有役人亦宜自努

說合何必然金化黃河塞真然說不合千鈞等蟬翼累黍近  
丘墓浩浩古載籍崎嶇蓋天意解后匪入力

我友天下士逝者八九人非無新造交亦有久故親可與共  
安利未可同隱淪欣然得一箇迴首終酸辛

秦人獎申韓亡梁呂崇佛六經獨何罪莽亦竊大物嗟嗟二  
百年吾道功第一熙豐餘論在河洛諸賢沒

澶淵竟要盟老萊氣安吐韓范猶自憐不遂臣西虜人材繁  
其逢事業隨所附千載有南董何啻今視古

江梅歲已過燕子春又來不愁吾鬢霜所恨此志反扶桑  
燁明間闔蕩蕩開欲往豈不可致遠非鴛鴦

子歌我三嘆我和子一笑方期俗耳合勿與知音道頗聞古  
韶卷不落人間調悲歌泣鬼神妙語無餘少



黃巖張之望之立來訪與遊梅潭詩以送之

張子好兄弟別我今九年東風刮眯眼雙鵝忽墮前坐定看  
兩鬢喜極意慘然來日豈不多此意合少延念于伏巖穴有  
作皆巨編稻梁未暇謀從我志獨堅虛名遠相累浩嘆當誰  
憐積雨得新霽綠漲彌百川載酒問何有漾舟隨所便與子  
梅潭游以茲寓惓惓傾崖俯仰之中有飛瀑懸平地儼聞  
晴空自雲烟既見各有得欲語不可傳衆妙在領會天成謝  
珊瑚子歸有新詩時寄三兩篇

和張孟章尋梅韻

平生拙狀物出語輒自怡久欲頌梅花怕恐累紙寫不該美  
子年少氣豪敏詩筒往往歲一來語不驚人意不止筆力待  
盡千松煤我心病驥追霜隼著鞭不上真又催置詩太息梅  
困我恨不縱斧尋條枝嗟乎孤山無人老坡死水邊竹外誰

低徊我嘗欲擬禁字體不道雪月冰瓊瑰退藏物後獨笑傲  
奄有歲晚多驚猜紛紛自謂好顏色萬景死立皆堪表模將  
此意入詩句十年木就梅空開君詩却惟梅不早令我內熱  
紅生腮強隨險韻終不滿今年又恐坐看落片飛莓苔

送劉茂實宰奉新

遠別欲無寐細論誰有酒今當作劇縣君意亦樂不江湖吏  
道僻歲月民勞久救之散精神自愛終袖手要中名甚美用  
意物所咎君觀蘭桂林餘茂及樵耨移根託客土顏色非故  
有贈言幾滿車一字堪皓首於焉但裁擇對越二三友諸賢  
在當路公論在衆口

送趙叔靜教授閩中四首

家無行春糧適意恣所向征轍催上官帆海看曩曠有言及  
當代浩飲益悲壯以茲實周行盡在幾人上



讀書須讀經學文須學古青衫故不換白髮早可數我亦寧  
人子風雨散蓬山胡為數相遇夜話恒過午  
烟烟出萬壑冰壺懸清秋孰與玉璫中穆然養黃流孤松高  
半天蘭芷復過幽看君最雍容奈何短自謀  
百吏不可試卷懷州校官翩然落南閩不為荔子丹彫蟲妙  
經術荷市多儒冠吾道未必貴政此良已難

遊白石巖

地向東南傾石際滄海立蛟鼉限波濤鷄犬得城邑居然通  
國望遠莫他山及道人獨有之置屋三四級幾看星月爛却  
聽風雨急于今二百年我共真鴻集晤語夕陽低對酒秋旻  
濕明朝江上舟避雨漁翁笠邂逅一俛仰此道可於邑

和孟阜老梅韻

朝遊山南莫北隅脩竹之下手所披五步一顧立不趨柔枝

弱幹千萬餘繁然笑情多新奇歲寒安用衆穉為驚嗟恠恠  
丈人行縞衣籃縷冰新肌萼雪片凍不飛玉飾其木瓌衡  
歌藐姑之仙下縹緲蒼虬為駕羽葆希三閭大夫從女須枯  
槁嬋娟却並馳張子愛之亦既癡人不得觀以我歸我生自  
現梅孰如滄江獨立兒女嗤年來稍稍學折枝奈何復與此  
老期

再和

望美人兮天一隅薜蘿為衣顛倒披水竹隔我不可趨今我  
搔首三歲餘漢庭年少六七奇鬢眉皓白來何為我欲避  
問之道安得玉貌生枯肌長翁傲睨欲奮飛滄江釣雪叢空  
歌少翁頰挫拚才角笑齒一粲知音希樵家斧斤磨以頂過  
者萬人人背馳梅乎梅乎我非癡持汝二老將安歸古來弱  
植剛不知孰有嫵媚為人強君不見孤竹之管求孫枝汝盍



早定歸山期

止齋先生文集卷之一

止齋先生文集卷之二

古詩

送同年林多益丞寧海

同里衣冠近闊疎同年齒髮多衰變美人宜在玉筍班隱吏亦隨花雨縣有杭一葦逢迎可每食雙魚甘旨便願瞻周道竟何如善為身謀吾豈願清廟笙鏞濟濟陳碧梧鸞鶴深深見由來盛事歲月晚誰到脩途肝膽健楊花吹水酒搖波一請加餐再無倦

送謝希孟歸黃巖四首

紛紛竹帛傳浩浩金石刻淪亡已無限存亦誰愛惜如何伏羲氏文字二三畫姬孔豈不聖用以演周易法今如牛毛斯軼信手成簿書積丘山趙張眼愈明萬人立下風國勢尊且榮未省三代前誰獨有此名



圭壁襲繅藉山龍飾衣裳不聞燧古初而興自虞唐毀車崇  
駟射隸作篆籀載至今人使之泰亦忽以亡  
累觴以為歡班荆以為儀交際貴如此勿使至意虧頗常惟  
小雅鹿鳴至魚麗賓主禮百拜六經似支離

看筍和潘養大韻

兒童纔牛角兵衛忽森戟十日不汝見尋文出咫尺隱几觀  
物化軒奮恣所極寒裳欲從之世事有繩墨

贈尹紹伊

吾友尹紹伊十年抱心疾休然萬事廢豆子黑如漆從之問  
舊學歷歷不遺一佳篇問哇鄭法詁雜方術豈其遇人耶託  
此訪遺逸張皇鬼物恠漏泄官禁密君看服烏喙孰與近參  
術

送郡守汪充之移治嚴陵方時小雨至晴雨甚熱是

山有微

挂梁龍骨經時蟄井井黃雲秋已及十日不雨民未急使君  
日膳長蔬涪澄空颼颼雲霧入鮑婦休眠兒負笠村春化出  
雲子粒市上明朝升二十農家語圃商語賈恒願使君無疾  
苦自今一飢吾腹果健看將母從蕭鼓馮翊扶風天尺五見  
說嚴陵在何所詔書奪去萬舌吐九重欲扣君門阻棲鳥護  
巢駒戀阜東人自視西人好那知湛露溥秋草春意平鋪無  
刺少有客解事翻然笑元祐治平諸故老身要人扶功未了  
誰知青絲絡馬橫門道應笑江湖華髮早

寄題陳同甫抱膝亭

稻梁不難謀軒冕亦易得胡為抱膝翁惻惻復惻惻秋風墮  
碧梧鳳鳥去無迹愁吟草際蛩兒女淚盈臆忽然一長嘯孤  
響起空寂令人識雅頌一唱三嘆息室廬在路傍耕鑿在民



籍行人聽笑語稚子共眠食讀書果何罪鬚髮又半白此意  
太勞勞此身長抑抑抱膝且不可出門更何適但勿問門外  
蓬蒿若干尺

送葉正則赴浙西憲幕

頻年送行客酒釐詩不工最晚與君別奈此百感叢岐山有  
為風雅頌移幽風于時二老生出處海上同曹劉對七著失  
色一語中明朝蜀江水不與灞漉通人心起毫末世故關鴻  
蒙乃知貧賤交不下王霸功霜根宿病驥雲帆背蜚鴻秋水  
能隔人白蘋况連空相從自束髮各去隨轉蓬今懷欣有合  
後會苦未重鱸魚直萬錢羊酪醅一鐘願君養盛年我友半  
已翁

送陳益之架閣

論事未欲如戎兵欲如衣冠佩玉嚴重而寬平作文不欲如  
組繡欲如踈林茂麓窈窕而敷榮楨幹盡亦煩繩墨滋味何  
如餘典則吾宗受才萬人敵排空所向無遺力親喪三年面  
添黑交情一語千金璧明朝不覺軒撼壁裘馬借人無德色  
作掾閩山可蹤跡擬將秉杆空螟蟻相君有令民未得勿問  
堂高若干尺春江渺渺風張席欲言江水何終極貧賤相依  
鬢毛白吾可雷同名送客浩歌未放情彌激君看風雅詩三  
百亦有初章三嘆息

翁誠之慰慈溪再擬祖送不及

昨來久佇驪駒集今來悵望檣烏急中年送客亦多違先事  
徒勞後無及江頭祖帳幾百人落紙珠璣詩什什自哦短韻  
竟甚得亟欲陳之復羞澁君方筮仕從茲始驂騑開路日千  
里若逢人話子陳子侏儒一節今如此

送鮑清卿教授莆中



閩中豈不好莆中况多儒其山有丹荔其水有子魚艾軒諸  
老生典則故所餘堂堂退傳門海內欲曳裾官遊得此樂錢  
者酒滿車我亦勸君酒我意獨未舒嘗聞入林獵不可背水  
漁背水漁尚可背時更崎嶇方今朝廷尊紳笏日走趨官多  
豈勝記勢遠復易踈媒身衆所同藉口誰不如柰何但温飽  
云向天一隅平生拙自謀蓬巷歲月除更事亦既熟畫此未  
必愚豈有服菹蘭佩之以瓊琚令人愛不見搔首空踈獨

作南塘記郡守沈持要以詩來謝次韻奉酬

周公作雅頌退然在幽風功成貴無迹名大謗亦叢彼人自  
標置刻畫豈不工君看榛莽間斷碑卧頽墉想當在世時奉  
拳効深衷胡然今弗省身後議論公達人悟物情玄覽昭有  
融區區強名我咨爾來何從沈公天下士於今萬夫雄邦人  
見未嘗譽之口不容請將六南樓語盡意未窮公詩陳誼高

耻與好事同年登百廢興解后吾何功勇去學休影倦游  
遺蹤吾方笑征南雙雙勅堅虹一以模山顛一以沒水中

送謝侔景英赴闕

言詩必南雅自鄙吾無譏嗟余生已晚觀人以觀詩人情日  
變化往事十九非相從飾邊幅欲語懷街羈久不見官寺下  
與家人夷渡江六十年得此心目疑早從諸公游晚佐一郡  
治居嘗陳誼高動與作吏違大白浮朋簪單車款民扉多文  
雖素復用拙真良規二年意綢繆一別事渺瀰有酒公不飲  
贈言我何裨穆穆清朝班僉曰尚德宜何妨着此翁衣冠皓

鬚眉

懷同舍石天民編脩

山陰不得見見期在東陽東陽忽歲華欲往又阻長貽書輒  
無報有便復寄將以君懶於書我豈望得當永懷十年別動



止曾莫詳君貌今何如孰與我老蒼就使白髮同脚力誰  
日計米多少飲酒可幾觴尚能甘寢耶比之昔對床嫂氏  
亦晚景吾婦伯姊行為君過客頻膏沐當不常有兒若干人  
已未勝冠裳但要能應門勿問鄙與誠一紙細說似慰此道  
相望未乃及田舍何有還何亡丞郡祿已厚豈不可小康憶  
昔夜夢君託交少年場疎身而披髯眸子炯炯光依然論時  
事悲杜淚以滂我方閉門嬉謁至即暫忙婆娑松竹下細數  
秋葉黃舊志益凋落羣書半遺忘請君勿他及却使我意傷

次韻蕃叟弟月下有感

平原接翠微脩竹圍綠淨乃於此中間更以皓月映佳入笑  
隱几萬物獨我正幸哉吾有母侍飲得餅齋

夢人誦詩覺省 數句足成一首

三人共一被寒夜爭抽牽一人耻不讓起坐遲朝暄明朝復

雨雪忍豈無春妍四時各天運二人正軒眠

送曹器遠試臨安二首

青衫豈必貴未得不可已皇皇海內人趨走共一軌生前極  
浮榮後復把深耻他山有隱淪一笑粲冰齒豈知天地間樹  
立在人紀  
大有扛鼎力小有挈瓶智誰當頓八紘舉以掩眾器煌煌一  
百年此道最宏被雖躋三事尊亦起一藝試或云科目弊此  
語復有味

約同舍蜀人王德脩三首

遠莫遠關塞鴻鴈來年年我嘗按輿圖嶠漢在眼前胡為與  
君別杜齒今華顛下峽君有期會吳我何緣令人媿不如鴻  
鴈得自便

晴昔夢溯江巴陵至瞿唐兩崖束秋旻中有一帶蒼安流進



分寸怒去千丈強求君竟不得望之涕淋浪往日事已然未  
日理未詳

控橋方粲粲魚蝦亦多能春半年糧豈惜一見過良夜月  
如霜聽我苦別歌翳翳葭蘆鄉風定水自波或者阻君舟柰  
此行立何

次德備仙巖韻

我家仙巖人跡稀客從何來此何時岷山之陽遠海嶠萬里  
秋寫心精微瀑泉自雨一丘壑有龍蟄不隨羣飛病樵地擔  
渴猿喜雖未作霖良已奇吾聞岷山天與齊仰止不見如調  
飢君登絕頂小天下此縱有山安足嬉翩然肯過非所期此  
道蓬閣車誰脂願言稅駕毋遑歸為我更賦崧高詩

再用韻呈德備

一日一見猶為稀如何十年見無期昔方壯歲意輕別一笑

聽君歌式微江流永矣劔閣阻恨不羽翰能奮飛不圖今日  
已華髮話此恹恹還奇奇尋麻不競高壓屋厚祿書斷兒恒  
飢誰當附契斷冰雪歲晏獨可相從嬉功名富貴各有時人  
亦空自為韋脂與君持此將安歸滄海雪山無盡詩

夷門歌送備德還闕

萬古江入海吳蜀有不通不通誰使然人自為異同昔在李  
孟錢士各懷土封靜言彼何尤亦各徇所忠恭惟宋受命二  
姓皆朝宗斯文已百年名世纔數公眉山與金陵柰何不相  
容大雅如關洛亦復互詆攻朋分文字間禍起師友中四郊  
忽戎馬塵滿夷門宮往事已覆轍後事如飄蓬一飢忘苦飢  
一褐忘苦冬身謀每不長王事靡有終有客獨惻惻萬里興  
深衷相過話離合歷歷絲庶豐我久世慮薄念之涕無從貧  
賤將安歸功名在其逢有能用斯人可使百阻空西人不為



西東人不為東

借書一首別薛子長

山阿着紫扉陋甚誰盤桓美人此何求鉅竹數十竿只閱書  
百篇尚覺日力寬欲從我借書我書何足觀辛勤抱遺經及  
此鬢髮班一語未領會累日不自安雖更聖人手亦恐衆說  
侵况復秦漢下曾莫脩與剛致之獲麟前存者今若干我無  
以我之望洋又空嘆羨君方盛年恣意涉浩漫又聞書少多  
不繁學缺完讀書固匪易用書良獨難昨來荷堤上嘗試及  
孟韓此話如涓埃此道如丘山

寄陳同甫生日

南國雨初潤西風水微波持酒欲勸君奈此道阻何天地自  
久長日月良嗟蛇志士惜少年用意矢靡他豈無文字功百  
代名不磨胡然朝檻鏡夜起瞻星河思婦視貞操驕人視勞

歌曾徵強飯書覆出為詆訶水懷姑射神尸居養天和下視  
塵冥冥鴻鵠謝網羅身將世誰親得孰與喪多請君以尊生  
我亦以養痾

述懷

有客盈門飯不足有書千卷兒懶讀王公勞問場爭竈樵牧  
相忘盜騎屋古來堪笑如我少生無一事能恰好獨有居閑  
可引年我又不然華髮蚤

簡鄭景元

西風肅萬物於卦曷為允說言就凋蟄之死矢靡悔方當春  
和時動植出草昧喧號聒穹蒼怒長彌大塊紛紛誰則敢所  
恃蓋有在

簡王道父

瞻彼萬仞巖真真上烟霞其下寒淵水清不容魚蝦閔予生



好修而居東海涯願見泥中藏日食百萬家浮名太累人未  
語衆已譁為海不為淵何道以自取

贈東陽呂望孫周登二武士

陽門無人易水寒安得壯士久所患求之市隱戎行間紛不  
當意譽已班逆胡未討憂萬端此得兩君聊自寬有石堂坳  
立噴玩百夫睨之欲舉難兩君扶起如弄丸舞空一葉風團  
團呂君忽作胡衣冠漚酒於地盟血殷長劍久倚燕然山義  
欲為漢誅樓蘭九重深窈虎守關竟以劍器博一殮語未良  
已聲珊珊兩蛟出沒萬馬攢夜闌月暗天汗漫滿堂悲憤淚  
欲潛嗟爾兩君誠義肝我方乘障荆之蠻五營諸將皆秦安  
許肉久不堪征鞍誰能喚與百辟看但得汝等一解吾君顏  
書生老死不足歎

書黃巖丁明仲墓誌碑陰

葉君隻字雙南金子子拳石藏幽深百名以上辭不淫我豈  
識子猶漸襟黃山之阿墓林林斷碑日燦秋雨霖彼豈孫子  
力不任人莫過問嗶孤禽子以窮餓死苦吟東棺逆旅無衣  
衾未乃得此世所欽子視昔者孰與今區間壽短升與沉長  
留天地誰無心於中詩人最嘔欽竟亦朽腐如書蟬何獨遺  
子天球琳上與郊島名相尋雖無薦藉鬼已歆况立之後主  
金鰲期呂數歲頭勝簪有田可稼桑可紆收拾舊業編朱鏡  
未必千載無知音請我書此碑之陰大亮一語不肯侵嗚呼  
讀者悲不禁牛羊勿踐木森森



止齋先生文集卷之三

古詩

赴桂陽道中喜晴書事

十日九雨垂垂雪馬僮僕病泥乘橇披衣闔戶得星月喜有  
耻向妻兒說耳根久與朝鷄別熟睡八年謀未拙乞米作糜  
蒙被啜客來午漏家僮出如今兒噉妻愁絕我縱喜晴心已  
折可以藝麻多筍蕨苟有一丘吾計決奈何諸公廝役皆豪  
傑尚愛春陵老元結

簡友人二首

南去有五嶺北來有重湖水清石益竒往往中州無在昔  
嘗游者越若韓張徒胡然自衡陽隻鴈亦不徂  
安眠夜至卯休吏日加申廩稍亦已厚養病非隱淪恨無封  
君法老矣藏其身遄歸豈不欲更有宜歸人



和王教授謙叔述郡園韻

守邊豈無事治園亦有說朝看士飲羽暮與客投轄且以示  
多暇且以勞同列我生賜九回世故肱三折環堵僅尋丈短  
亭聊歲月忽蒙當守記濫補專城缺區區自米盞在在欲翻  
叢矧惟有茲山未省從何月張羅上空庭尋芥及勁節舊觀  
誰緝然新思蓋綿蕤幸方一小治黼拂尚可六太息黼珪  
胡然召南人而驟歌所爰

臨桂尉楊渭夫以詩來因次其韻兼簡同僚

萬物各美惡一室有面背去來故無怕欣厭惟所會有能悟  
茲理何必著幽邃後園並山麓脩竹積空翠芥尋自何年樊  
養特過計陳根獨遭時沃壤亦借勢居然成獨清可以掩衆  
媚亭院起中瓦湖潦繁前際於時吾豈敢謂此天作對新詩  
忽感談俗狀良內媿子方及歸期客復攬離思歸離尚當

封殖之去日如始至

送宋伯潛宰高安

秋風日來諗役車何時休有鳴丘中琴玉瓊懷黃流此腰不  
可折此芴未忍抽亦入鴈鷺行而為稻梁謀四海楊誠齋吾  
道得自由悠哉思萬端哿矣試一籌風詩訖於幽易象重以  
周周剛齋詩易當知橫空翻不若逆水舟

送楊渭夫歸省

應侯氣蓋百粵小朱侯誼與離江長兩侯愛士早成癖恠甚  
渭夫懷故鄉士窮萬事一不就就得一事窮何傷渭夫壯者  
忍窮久老驥欲秣胡沙霜吾家何在雲橫嶺趙媪不寃劉兒  
瞑孰與親旁煮湯餅渭夫初至臨桂劉氏兒而被殺不獲有  
灑趙莫能辨府執渭夫與灑旬日又得之非

南嶽聖業寺禹栢



久與林壑居所見皆衆穉豈無壽千年未有此栢異壯而嘗  
參天晚乃但仆地定非風雨摧殆是斤斧棄其本則離披其  
末則倒植其枯如殘枿而蔚有新意其靡如弱植而寧有高  
致將前後却行宜右忽左次驪龍或俯頤遁虎或回眈隕石  
或猛起飛翬或顛墜山立或磬折尸寢或拳踞斷支或強附  
橫陳或異避綢繆情不狎頽墮力未瘁朴畧自光恠挺持匪  
標置終焉人偽盡獨以天巧遂吾聞古有道純朴去故智與  
世每如此全身亦幾是疑將問歲月缺弗見載記誰言導江  
時手植特嬉戲世人那得識會有神禹至

牡丹和潘養大韻

看花喜極翻愁人京洛久矣為胡塵還知姚魏輩何在但有  
歐蔡之不一泯夕陽為我作初霽佳節過此無多春更燒銀燭  
飲花下五陵佳氣今方新

張潛行部過湘岸有作因次其韻

春晚得新霽草木日夜綠陽光初蔽虧野暝或單復美人得  
湘波領此入蓬屋故放歸帆遲更呼漁火續窮探物精華盡  
付詩凡目憶昨欣晤對令我忘休沐劇談酒行希危坐兵衛  
肅相思正倚樓所寄忽累幅瑰辭堪買貧軼韻和難屬自從  
楚騷興悲此逮差玉後來數唐人歎乃最隈宿世無梁昭明  
斯文又誰錄

送王南強赴紹興筵幕四首

詞章行天下嘉穎二百年甲科至公卿誰敢謂不然有人妄  
媒孽一世所弃捐我亦欲護短諱不言幽燕汗簡在吾後覆  
車在吾前

人人尊孔孟家家誦詩書未省有宇宙孰與今多儒儒者道  
如砥豈其自倚嘔申以黃老廢費以絳灌疎漢家嘗紛紛政



兩門戶殊

歷官如歷階越等多所傷奈何坳堂水持綆萬丈長誰無斯  
世方乃此抽手旁永夜淚不禁仲尼故皇皇又問雖小魯乘  
田問牛羊

聞之浙河東見之湘水南未歸却相送既喜復不堪行矣乞  
自便帥幕民可參君方乘日長勉為停朝駭我池有螭蟬我  
園有黃柑

題明皇醉歸圖

騎者兩人扶不正夾道誰知為萬乘一人前馳一願後懷欲  
並驅無號令狩人亦忘記鷹犬仰視只愁天欲暝有司刺候  
上起居杳莫得詳宮鑰靜嗚呼開元自英主前鑒竟遺盈幅  
紙君不見漢宮圖如已未必當年甚如是

送范憲東叔帥潼川四首

離逾十年合復十月離往日苦無及來日忽未知江源與  
海通吳會與蜀連通固天道常違亦物理宜勿作兒女感是  
中有精微

相從意氣豪相知鬢毛斑細說竟昨非淺斟始今歡每懷吾  
黨多未採此世難一則琢冰雪再則紉芝蘭騷人絕芳潔孰  
與風人寬

有書但遮眼有位亦養病養病猶近名遮眼已患多聊復歲  
晏爾柰此人遠何聲光正橫空議論如懸河宜君見別輕歎  
曲理則那

逢人九頓首遇事三折肱雖知少為狂正復老可憎吾今有  
儲粟吾昔有短檠魯論訓何如周易讀未曾言歸又言歸兒  
女喚不應

行湘喜雨簡劉公度周明叔



將行客有戒正熟入不禁出門一昔雨解纜十日陰湘山益  
以碧湘水益以深天光接雲夢野暝蒙衡郴蠅無盤中蹟蟬  
有木末音碩乃廢枕葦爰方索衾我起問夾岸往歲孰與  
今衡茅或數間叢竹皆十尋滿蓮間華實鷗鷺時浮沉老穉  
各有得漁樵不相侵早掃禾欲孕新炊粟如金為之失倦游  
於以成孤斟永懷泛湘入屈賈多愁吟往者亦此境今者亦  
此心空名但千載佳思誰一襟時哉不可失語溪更駸駸

劉連州和前韻因道湘中之樂以謝

湘中足可樂誰苦愁不禁變彼蘭蕙姿固怯霰雪陰賈子天  
下士子何念慮深貞元兩御史南還會於郴亦復相唱酬問  
有亡國音愚溪更憔悴中夜起擁衾而得款乃句膾炙循至  
今我後五百年公來適相尋田疇歲隳隳徹市春沉沉寬書  
日夕下民蠹祛年侵况也省臆甚小郡至萬金交歡有陸賈

私恨無羊斟我飽竟甘寢公暇多長吟迺知湘中樂關時匪  
關心淮民忘勞力樂極翻沾襟却愁吾二人四拄歌駸駸

聞葉正則閣藏經次其送客韻以問之

順水去吳會逆水來夔門萬古逆順舟以斗占旦昏曩余好  
百家信不及魯論初亦半喜愕久之乍亡存白髮一無成頗  
識變與源風停波自平却視消長痕六經夫如何夫子手所  
翻恒言但桑稼恠志無鵬鷗規圓而矩方往往萬巧攢諸儒  
各有得長短賢若干玉帛相會盟兵車相并吞一語苟暗合  
羣生皆晏溫絰成今幾年嘗試以是觀此道未軻死此書未  
秦燔猶之斗經天於以生蓋渾西方亦人豪國自為乾坤書  
未入中州坐使學者奔君豈捨從之或但遊其藩吾聞欲乘  
槎鑿空訪河根孰與瞻斗車把柁行江湍

和張倅唐英詠梅十四首



種梅欲百畝誰老意未渝有山在堂背有溪在庭除我危坐  
中央花以真坐隅人固不可親花亦不可踈  
花芳以養性花陰以休影更欲從旁謀種秫可半頃衝寒時  
一觴我醉花獨醒醉醒兩相忘久矣繫歸艇  
因山為高下因水為縱橫恣花欲何之勿撓所性清却愁雪  
太深瞻言不勝情有時亦曾來當我戶牖明  
我豈愛花者而獨愛此花愛之匪無人詩且數百家前有水  
邊橫後有竹外斜但作如是觀桃李亦可誇  
人言物不齊相較三十里以梅等羣芳何啻隔弱水杜陵狀  
白物無語可著此如簷索之笑但不禁冷藥  
駸駸入衰暮故作不潔清美人美無度可使一國傾胡然立  
林林夾此東西榮對之意自消令我欲近名  
以之為雪耶雪或墮汗淺以之為玉耶玉或附旒冕春前每

嘗試歲晏不退轉悠哉似有道可與共舒卷  
政應違衆好可忍負幽探以茲落南雅蜂蝶獨遺憾豈無好  
顏色一雨竟陳暗誰知歲寒姿可久非可暫  
若以色見我色衰令人忘香為衆妙宗妙亦不在香鄉未芸  
芸者自意傲雪霜當斯玉立時曾莫一在旁  
遲遲可殿後寂寂可鎮浮風人第一章窈窕河之洲穆如三  
代英惟此宜與儔不然則臞仙玉簫下秦樓  
紛華有心說艷羨得目送越在篁葦間願使詩興動詩人被  
花惱盡日手自弄愁吟日不足又作栩栩夢  
亭亭湘岸竹炯炯湘波月其中雪垂垂一樹為誰設不應皂  
蓋人於此能忘折折之寄相思可以慰分裂  
高山皓鬚眉久不見綺黃邂逅一笑粲可與斯人當如何為  
林逋托根向錢塘居遺蘭與芷牢愁楚沅湘



先人手所種家在何處村自別此堂堂不知幾寒温盡歸封  
植之歲歲為此言老如霧中看正恐目力昏

招隱二首

將子無登山山上岡復岡朝為朱陽煒暮作陰飈涼磴滑幽  
鳥啼林深山鬼翔子兮何所求樂此螭魅鄉國人佇齊較吾  
黨多曾狂望子子不來翠袖天風揚緇塵擺落盡幽願次第  
償焦鵬入冥雲蟻虱寬貝陽子兮竟誰從獨樂無已康豈其  
羊之飢而可殺與臧

將子無涉水水深下無極鯨魚舞浮陽螭首闖陰碧弱去一  
羽沉惡來萬波激子兮何所求快此蛟涎滴議諫起陽城拾  
遺招李渤望子子不來羊裘號逋客踞坐山石麤晞髮朔風  
疾亂流兩白足何日蹕踈逸扶藜清逸子兮寧不悲飢哉俟  
唐稷豈其洛之涯而可温與石

記夢

蹙然石壁罅涓涓如絲繩其人指此泉下去為滄溟旁有玉  
蟾蜍空中底方平視之鼻通尻徹竅刻畫精泉從鼻聽入可  
止不可盈欲問已無人我亦悟我生惜哉烟火食滓我朝請

明



止齋先生文集卷之四

古詩

始生七章章八句上 皇子嘉王生辰

生為帝子貴本自歷數歸歷數萬億年帝子壽無期今夕果  
何夕欲頌皆贅辭但願王此心無忘始生時王看松柏萌未  
具葉與枝冲然一點春其大可十圍云胡問不茂為失雨露  
滋乃知生意同其異各所羅人均此生爾王生樂無涯如將  
與人同請自今夕推奉觴一何多予以介壽祺王其敬舉觴  
一 念周八維百鼎羅珍羞世豈無調飢錦綺爛盈門藍縷還  
誰衣龍樓近日月茅舍或不支三宮子孫孫亦有孤與妾吾  
方貴吾生相彼多玷危豈伊天地公而獨及我私於焉識仁  
端一物豈忍遺當思宇宙間壽域咸熙熙獵人愛麋麋漁人  
愛鯉鮪萬物欣自遂况也民秉彜家有舉按婦人有應門兒



王心至於此壽不數者願詩人誦稷功造周本岐嶷首言民  
初生次及稷誕彌民命繫於稷此語非夸毗未僚甚孝孝所  
愧無周詩

送立宗卿帥蜀戶部侍郎立公被

命以煥章閣直學士出帥全蜀其友生永嘉陳某作  
詩三章送之一章以重別也二章頌也三章以送其  
歸也

嘗陪諸老後示與晚進游有能一夕話可洗萬古愁昔君而  
青衫今我已白頭關下何匆匆蜀江正悠悠一請工治庖再  
請拙操舟

好靜從古始尚思極今時寧使舉國貧勿與一士遺庶事因  
前轍元祐誠良醫我亦欲宴興入方之朝炊持之訊人無人  
傑良自疑

前瞻及河隴內願連江沱邊籌尚彈壓民瘴須按抄方當上  
懷遠况復歲為瘥宜公去帆輕歲月亦易多西人豈不好奈  
此東人何

短歌送呂子約丞郡天台

露荷不肯附綠漲石榴自欲當朱明我無一物與君別持此  
薦以雙玉瓶榴花結子荷成的定亦扁舟去為客良集偏於  
吾輩堅新功或向他山得我歌雖短聲苦長君不能飲酒滿  
觴申公何在麗澤死又送冥鴻謀稻梁

送黃子聞得縣瑞安

西都循吏無墨綬密令忽用為三公仁人遭時乃自見不係  
官爵汗與隆黃君崎嶇髮半白得縣吾州滄海東平生經術  
久未試今幸小試難為功休聲出自士論衆遺愛見於民力  
窮如君作吏豈擇便第勿謂難斯令終嗟余欲歸歸未得觀



政不在漁樵中逢人每似卓傳傳此道萬古君王同

送陳仲孚還里

意勝不受暑交深欲忘言子車今日胎我經何時箋卜稼  
無疇頌橋亦有園掛冠特易耳奈何子盛年

教授李夢符惠宣聖畫像用韻奉酬

一藝必有師尚論襄與夔一國必有師尚論曾與伊信知師  
道尊分與君父夷吁嗟文王沒斯文屬之誰微言二十篇論  
次自學而傳之者顏曾其後則子思方當周之衰諸子出  
奇王公各師承一語可解頤見之擁篲迎不見頰其眉孟  
獨推尊是惟聖之時苟不本孔氏皆放其淫詞於是尊孔孟  
誕作百世師自非戎翟秦孰肯此道馳本朝郡為學漳海  
祝之往往屈萬乘降升廟庭垂我作暮春堂魯論以自遺扁  
題落天上鬼遁蛟龍移江山護昭回誰敢訕噉中有夫子

像來從魯家兒廣文以遺我温厲尚可追吾今得吾師下視  
衆說卑世世萬子孫永此巢一枝

還徐叔子犀帶

徐子贈我舊寶犀宣和國工所事治玄玉十截黃四垂厚且  
半寸徑尺圍方廉整不刻毫釐金飾諸末柔丹韋實之止齋  
光祿離天吳海若不敢窺奈何骨相堪蓑衣自得此帶逢百  
羅我服黑角二紀餘歲月幾半蒙蛛絲識與不識皆歎歎恨  
不披拂來隆墀湖湘老把乘邊麾次第三節登玉幾 脩門  
再入留即闈上皇一見玉色怡闊步逢山上坳螭向者所恨  
今交譏惧漑肝膽得請歸自意未與漁樵嬉急詔遣際 潛  
龍飛誤恩狎至湛露斯古來逾分天不宜百炊未滿萬事非  
還觀續中一解頤吾腰安用爾帶為徐子盛年脩幹支才華  
不數紛紛兒請以帶去藏待時拖金縣玉未可知招招卑騎



來何遲苦勿留此令我悲君不見在昔十圍終失之終朝三  
捷事尤危况我昏睡誰護持亦恐夜半神運蛟龍移

憶筇杖

岷峨山下筇竹杖危者使安衰可壯秦皇漢武窮兵不可得  
我獨得之今丞相前年有旨還故園其冬急召朝日邊半歲  
驅馳數千里賴有此杖常扶顛倉黃又別脩門去私室無人  
謹呵護夜半雷霆下取將兒叫妻啼留不住我聞丞相下坂  
時一物無有杖自隨屬當晏朝立仗久憐我弱脛疲切喘如  
今步屨隨衰草十步趨九步倒假如杖在欲用之山精海  
怪震怒亦不保君不見杜陵桃竹歌常恐失之君山湖上之  
風波梓潼使君之贈尚爾耳况自丞相還如何

蘭花供壽國舉兄

山丹吹出青藜火金蝶窺叢何婀娜朱槿更作猩袍紅夸道

風人嘗叩可端緘如解蟬沒利從旁粲然笑奄有諸香誰似  
我素馨蕭然山澤臞至香不數脂粉腹衆芳固自有醞藉要  
是傍人之庭除何如琉璃千頃水涵碧淤泥不解汗笑藁幽  
蘭獨自倚脩竹生米未始受諸觸深知抱此竟安用用多亦  
豈笑藁福若以滋味屬厭人齏粉此身人不足今夕何夕新  
風露入秋一雨天西顧止齋有兄永難老止齋之弟愛莫助  
但以清白傳之萬子孫歲供蘭花美無度

東陽郭希呂山園十詠

幽人有遐心鄙屋洒澄空况復得此山心事與境同

石清曠亭

一壑亦易得安得桂林林道人偶見之不是歲月深

右桂壑

兩崖東青天中有月皎皎乍可謂月低不可謂天小



右月峽

從勝有仙凡爛柯無小大誰知柘源人不在秦晉外

右小爛柯

香聞鳳樓梧梧老鳳未棲令我日佇立不知月東西

右傾月

雲以無心出雲歸亦何心樵牧窺其藏妄意此阻深

右閔雲關

清院闕草木各具天一水安用學食玉將以斲不死

右玉泉

涓涓自空來霏霏復不見安得自尤物使我耳目亂

右飛雪

凭欄時獨立萬象皆見前若非着眼高亦是天一偏

右壺天閣

驚南金吾已澌吾纓亦無塵窪石以澹之恐有抱甕人

右石井

送郭希呂

我門閉重重我徑阻且深梅花獨相依聊以慰我心美人從  
何來崎嶇自幽尋亦於琢冰中而和南風琴葉甲尚可羨新  
菊足同斟不知歲已華歸興生霜石欲別復少住棲鳥歸月  
林客去鳥翔飛落花滿墻陰

水仙花

江梅丈人行歲寒固天姿蠟梅微着色標致亦肯時胡然此  
柔嘉支本僅自持迺以平地尺氣與松篁夷粹然金玉相承  
以翠羽儀獨立萬槁中冰膠雪垂垂水仙誰強名相宜未相  
知刻畫近脂粉而况山谷詩吾聞抱太和未易形以窺當其  
自英華造物且霽威平生恨剛褊未老齒髮衰撥花實瞻瓶



吾今得吾師

止齋曲廊初成

但酒勝如水但花勝如草小廊曲通幽竹椽亦良好止齋十  
數間足以便衰老簷低遠風露地窄易汎掃淺溪浮薄觴短  
屏糊舊素著書僅玄易過客多韋編於中榜退思誰其諒深  
抱吾思亦已晚吾退益更早懷哉彭澤令仰止商山皓維淵  
有潛龍維岳有蕙實煌煌暮春堂三字落穹昊昭回照南極  
鎮撫及東島胡然迺在斯夙夜俱不保鬼神無世情可護必  
有道

次沈儉夫求花木韻

我意何不樂我顏復何快止齋有新舍耕犢角已繭止齋有  
溪水釣帝隨所長兩山夾精舍佳處迫廬峴朋來盡名流燕  
坐皆勝踐頽然止齋翁心故不可轉厭書或窺園乘輿時步

獻日月之敬虧木陰自幽顯雨露之密鍊草色自深淺翁乎  
一觴詠初不着姝嬖易老探醇駁風騷較寬偏眠食雖甚佳  
病患益加勉謗隘况所招訟詎那能辨於馬更悟入豈但可  
排遣寄言子沈子所欲果何件葭豕來春田冥鴻脫秋獮谷  
蘭猶見紉月桂不可牽慕遠失之近求多得常鮮請以杜縣  
才從茲益懷卷深居勿近市隘巷莫容輦有花門擁篲無花  
地生蘚嘗試玩喧寂何者是貞岍舊學枉初心新功費重研  
何如過止齋我亦精文選

春晚書懷二首奉簡陳益之

百舌喜太甚杜鵑恨何深睨睨斯黃鸝律中宮之音物情自  
不齊天運初無心道人獨領會杖藜立芳陰  
百卉得雨露華滋巧相娛但知說姚魏河洛竟何如我方悟  
吾生箋經未成書安得小學師從之注虫魚



題沈仲一所藏周氏羣公書帖

紛紛世上如落花東風即入西鄰家  
要亦餘事吾何嗟斯人故國之喬木  
枝葉胡然亦流落吾生已晚講聞熟見  
笑墮淚那忍讀古來道德功名上傳世  
不曾緣物重君不見人間秦漢鼎鼎銘  
與頌子子孫孫永實用

贈章虞卿并序

虞卿相別久意其困場屋舍而它之也  
忽以書說來余喜甚留數日晤語不但  
說書諸學無不涉也又愛之甚欲作一  
詩亟稱之輒不就虞卿促歸姑贈數語

章子一別二十年此來銜袖書一編自出  
已意說百篇至說五語尤愕然我今萬事  
付幽屏是書挿架漫不省子之書意吾已  
領且探梅花試湯餅

題僧法傳為沈仲一畫聽松圖

古松不知幾千年直幹欲上千青天  
樛枝下與人世接冷風過之萬壑喧  
猿驚鶴恠樵牧遁百鬼愁絕誰傷邊  
紛紛海內然竹耳何處縹緲來臞仙  
整襟拱聽移永日置琴弗顧僮歌眠  
松風有際意無盡莊騷不數惟易玄  
嗟乎深山大澤松不之斯人往往千載  
之陳編筆端若有夜半力一日忽在軒  
楹前止齋虛靜對立久晴昊亦為生  
蒼烟畢宏帚偃骨已朽畫工一世胎粉  
便北湖居士安得此奄有二子雲山傳  
北湖居士雲山傳吾詩孰與杜老起九原

送畫僧法傳雪菴禪師從瑾之弟子

問訊雪庵今何如子來搔首更踟躕  
時於戲墨窺禪悅尚想家傳及緒餘  
曾點尔各言尔志陶潛吾亦愛吾廬  
誰人解寫二歸意欲放風帆還捲袂

題瑞安宰朱元成乃祖雲壑莊圖



功成不受富貴汗輕舟扁然下五湖至今風流在姑蘇我復  
見此雲壑圖兩坡喬木樛相扶殘山剩水千里餘天際未知  
何有無一葦橫絕雙風蒲楊花春岸秋尊鱸在在着此儒仙  
靡世無宗師貌不如誰其嗣之吾大夫

詠梅分韻得藥字

惜樹須惜枝看花須看藥枯瘦發纖穠况此具衆美千林墮  
黃埃數點照青澁誰知霜雪深天意欲玉女

送蕃叟弟赴江西帥幕分韻得獨字

生平未省友松竹愛言從宦輸幽獨子也諸侯老賓客襍被  
僅緣外斗祿為問江神何世情霽月光風送帆幅天意元來  
向事功謹母遐心自金玉

鼓琴行送許深父同知被詔赴闕并序

迺季秋朔旦上御祥琴公亦始免喪蓋五日而趣召至

揆路虛左以待公者三年矣盛事盛事初某識

高宗所賞之琴僧於西湖晚入太學高宗晏居殊官而  
曾亦希得進見數與之遊歸琴一張寶之有年今觀盛事  
而不敢愛持以贈別故作是詩以道其所從來因禱以為

辭焉

伯牙非不善鼓琴指下能寫山高而水深亦有師曠號精絕  
蜚雪白晝為重陰吾琴不以與二子二子不過襄季秋心嘆而  
悲吟后夔安在九疑遠南風不競鳳鳥瘖恭惟高宗

復古幾得此淨洗禁味朱離任一鼓朝綱日井井再鼓邊拆

秋沉沉桑麻萬里皆按堵笙歌三紀無沾襟橋山遺此歲月

侵何時雅頌得所齋不僭寶藏豈愛五重玉市價敢論雙南

金公歸舊隱三霜砧天子恭默思商霖君臣祥琴適相際使

者十輩來駸駸白麻已草弄印久端揆虛左誰當今我抱此



琴病山林不如送公西歸調金鸞但願為作南風音上以對  
揚高宗中興之大業下以追還虞舜萬國之歡心

送徐一之客贛上兼簡韻守薛象先

清冰一段出萬壑越玉五重陳兩廂美人去作諸侯客幾年  
過湖壽行歲居此邇離所繫舟夷猶暮春堂細雨冥冥烟樹  
蒼竹萌梅實盡此腸別恨豈但山川長章貢分流合江水西  
風為我送雙鯉休言相憶強加餐報吳帆何日起

止齋先生文集卷之四

止齋先生文集卷之五

律詩

新昌詠歸

回頭三十二年非木落霜空水見涯萬事自憐多譽早半生  
猶幸一官遲好將翰墨付脩葺去與漁樵相爾誰還有故人  
招隱否寄聲摘袖欲黃時

贈石時亨并序

釋氏歎生死老氏無但化而吾儒則曰致壽不貳修身以  
俟之所以立命夫垂涎翹車染指羊鼎豈日不知味要不  
若飢食渴飲之為至也吾友石時亨喜二氏書晚與余游  
讀易論語於其行作詩贈之

要果同根本應須識等差六經無剩語百氏自名家日落山  
舍斗潮回浦見沙了知來生意萬古一生涯



題觀潮閣

俯拾清瀨大鴈陳蒼苔  
看沙尾行藏問釣蓑  
登臨有如此人物付誰何

上閩帥梁丞相生日二十二韻

炎正維中葉皇圖再造年  
天潢流少海星緯祭台躔  
難並乾坤豈偶然千齡開歷數  
一氣付陶甄黃屋傳神器彤  
庭頌眾仙風雲從此會日月更誰先  
昔者求侵地何人賦甫田吳王  
咸抵掌會等欲差肩廟論惟多士  
戎功不在邊一麾分赤社萬事屬青編  
吾道誠難用諸儒亦自偏才名多獲落  
經行失拘攣路蜀何堪及熙豐竟禍延  
旁羅無鴈木平步忽貂蟬甚矣知當寧  
嘆其望濟川年來羣老行公在萬民懸定  
作益接夢行歌杖杜陵治滇宗衆濫衡嶽倚蒼玄  
要使垂身後無為慰眼前管絃

不足鐫中原康濟事彝鼎願聯翩

送鄭少卿景望知建寧

過家鄉里敬將母士夫榮得失從人論  
行藏獨自明百年中古少一笑萬金輕  
廉讓吾何敢新茶可擷英

有志須身健關心在歲寒一時諸老盡  
多見大名難湖海方連旱甌閩遠少寬  
為州人不乏千萬強加餐

清廟圖書寶熙朝雅頌音頻繁三節名  
在再二毛侵衣飯家纜足丘園意亦深  
卧聽床下士時作武侯吟

海內言華萼誰名動措紳豈無當世志  
能忍十年貧酒興新來減交情老更親  
公餘如促膝剝地古書陳

屏廢誠愚分牢愁更索居若逢知己問  
猶解課兒書地僻門長閉年饑菜自鉏  
相望無一字不是故情疎

庚子除夜有懷



老盆自酌共誰歌嘆息其如此夜何已覺二毛真婦問可堪  
一飢患兒多關河滿眼風塵在天地藏身歲月過事業文章  
吾所畏東陽人亦卧巖阿

送沈元誠赴臨漳主簿

誰說鄉先進能無沈隱侯青衫今造越白髮竟依劉  
轉口道固為名累人當與命謀三台行漸近且勿問歸舟  
終歲懷未已欲去事多違士友方推轂鄉鄰但挽衣冥鴻塞  
汲汲霜菊晚暉暉何限春蜚動君看果是非

送德遠弟赴省

科名雖細事文字要新功方拙存家學豐腴與衆同江湖多  
我友墓省半諸公為道貧非病連簷有芥松

和張孟阜歲旦韻

白髮朝看鏡青燈夜數更文章翰善宦名字誤浮生廢學兒

鼻睡安貧婦饑村從今定違吉吾已卜先庚

聞沈元誠歸自臨漳喜而奉寄

荔園班班熟壕房箇箇肥我雖緣此誤公亦為何歸史事生  
衣垢家山減帶圍不無華家字卿月更光輝

晚春二首

萬枝寂寞待春風風雨過多春已空未曉啼鶯相喚語海棠  
飛盡一庭紅

莫道春歸事已非水邊天際綠成圍隔籬聽得農家語雨過  
田田麥含肥

送孫審卿赴壽昌主簿

烏鵲填門雪滿除倩誰騎馬謝雙魚苦吟孫楚三年別飢用  
素安一病餘仕宦吾人聊復爾夢魂今夜定何如釣臺多是  
西社客莫道渠能賦子虛



哭呂大著至明招寺簡潘叔度

小雨崇朝過，深秋薄海清。故人期不至，喬木眼偏明。欲往還何日，堪論久此情。侯芭幸無恙，應就太玄名。

招徐居厚

老來却憶少，相過別自何。年白髮多，山葉抱蟬。虫吊夜去看，滄海壯秋波。

天台王子木解官長樂見訪

夜深擘荔真愁絕，春淺傳柑更惘然。世事愛來欺兩鬢，人生堪得別多年。琢冰積雪江湖阻，樹羽崇牙日月懸。此理倉茫君勿問，明朝且莫刺歸船。

月夜書懷一首

送客門初掩，收書室更虛。新篁高過瓦，涼月下臨除。婦病纔扶杖，兒饒或饋魚。今朝吾已過，莫問夜何如。

道德吾何敢，功名代有人。倉黃怕畏外，班白慙憂貧。細字書全廢，深杯酒勿親。靜言空自愛，萬古亦泯泯。

送周魯山辰州法曹

團藥妻子是誰家，獨被飢驅天一涯。遠地豈無人，悟語長才能免世。驚嗟好於書，作千年計勿為官。驅兩鬢華為問湖南，似湖北逾年吾亦訪。丹砂

游丁次翁賞營園期次翁不至

徑蹊曲折屋參差，半是天成半自治。脩竹萬竿人獨立，我來搔首菊花期。

送朱同之福州戶掾

我自三山笑馬餘，君方千里問津初。衣冠萬室催科易，禮樂元戎節日踈。謹勿向人徵外事，只須着意訪奇書。一年正好榕陰密，丹荔黃蕉奉版輿。



覓樹栽

覓得循除數畝園，東邊無力正乾坤。  
學為老圃徒幽意，富比封君亦浪言。  
計日若將栽樹木，成陰當待長兒孫。  
出門悵望春連塢，為向雲屯斲一根。

題仙巖梅雨潭

衮衮羣山俱入海，堂堂背水若重闈。  
怒號懸瀑從天下，傑立蒼崖夾道陳。  
晉宋至今堪屈指，東南如此豈無人。  
結廬作對吾何敢，聊向焦漁寄此身。

次陳益之韻戲呈汪守充之

雨過山新沐，風平水漫流。  
移尊來選勝，立馬步通幽。  
春在桑麻塢，香團橘柚州。  
從君詩有律，還我酒無籌。  
汪守坐苦吟忘飲客酒

汪守三以詩來次韻酬之

一年春事墮槐宮，却愛清和與政通。  
乳燕黃鸝相倡和，落花晴竹亂青紅。  
羨君有賦非占服，使君秘題愧我無。  
才可送窮細與論文一樽酒，它時還憶暮江東。

江城如在水晶宮，百粵三吳一葦通。  
桑女不論衰粹白，橘奴堪當粟陳紅。  
絃歌滿市衣冠盛，話訟無人刀筆窮。  
多荷弱翁今少霽，更能携客謝巖東。

音合桑林律，中官試聽布鼓亦三通。  
相從壁水浮葱白，見一別閩山擘荔紅。  
把釣扁舟將老去，款門多竹未全窮。  
若為皂蓋能忘我，立盡斜陽車不東。  
汪守屢期見謝不至

酬謝倅景英用前韻見寄

窮巷蕭然一畝官，勞勞漫刺倩誰通。  
空齋故帟頭垂白，晚對清標面發紅。  
諸老飄零亡幾在，麟擬將舊學相從問。  
何獨詩壇欲讓東。



用幽字韻戲簡謝侔

當戶排危翠嶺除深淺流此生從稼圃誰與伴深幽韓子疑  
凭接龐公倦入州青藜與白飯却待為君籌

用幽字韻呈汪守謝侔

荏弱收人迹簪紉雜道流引盃忘日永得句與山幽行在今  
當路中興此望州為將登覽目著處訪邊籌

用幽字韻答賈端老

人皆忘姓字誰獨訪源流病驥宜懷旆遺鶯故入幽十年漸  
主簿萬戶簿荊州此事吾何敢相將負一籌

自仙巖還舍留別諸友

瀑布衡從雲一塢浮圖明滅木千章在山終愛離山去遮莫  
黃塵沈我裳

送任虞卿教授江陰

學省穿楊未江城振羽端聲名人不忌仕宦意常寬缺月天  
將曙孤村歲已寒小舟來話別此道少人敦

和謝侔見贈生日二首

朝天冠佩幾千員孰數東州未老賢若論中原舊文物滿輪  
應合聘高年

獨醒長愛眾歡酣酸苦隨人却嗜甘好客不知彈劍缺聞公

風味可無慚謝侔絕不飲而善勸客  
酒推容所好獨嗜甘物

再和

休將枘鑿問方員且引壺觴對聖賢鴻鴈不賓滄海凍梅花  
相伴笑年年

淺杯莫到十分酣但愛勦勦夜夢甘萬里桑麻風雨行一天

尸祿我何慚

謝侔生日



此夕其如好客何秋風嫋嫋水微波渡江公子今無恙上蔡  
家聲世不多未放清朝空老去欲談前事竟誰過阻陪鴈足  
初禮久坐想風流為一歌

景之益之諸友考試旁郡余夢與步月聯詩得水花

初淨月如銀之句追成一絕

連年波浪與埃塵誰可論心五六人昨夜夢同天地濶水花  
初淨月如銀

謝侔監試未畢事而出以詩三章來用韻奉酬

殷勤送客寒誰留久待江城未解舟我醉欲眠君且去不妨  
懶瓚繼前獻

歸舟莫訝太匆忙會面何曾累十觴孰與持螯霜月下拍浮  
酒浪舊陂塘

極欲從君十日歡倦飛終羨鳥知還棘圍觀戰綠何事亦終

驂驢自出關

沈仲一三益堂

有此名三益之人可晤言游藏無俗物典則似諸昆刺着書  
充棟仍添竹過垣翻愁長者轅稀得到柴門

遊金龜趙園

脉脉循簷水林林夾岸山令兒從竹下領客入雲間稠木容  
人過懸崖着手攀從今名字出不到徑苔班

海棠絕句

淡月看花似霧中遠呼燈燭倚花叢夜來月色明如畫却向  
庭蕪數落紅

湖樓送客即事一首奉懷益之兼簡同餞諸友

誰家喧馬盍朋簪屋簷城頭水照簷楠柚兩山香盡在蒲荷  
十里淨相無愁將久雨春無賴別在明朝酒未厭甚欲去同



三四友鱸風更捲一江簾時益之尚舞

春晚一首約同志汎舟

匆匆春事竟如何問訊庭前手種花又送行人又風雨半為  
芳草半泥沙橋香通國今無恙梅實於人晚更佳莫放此春  
齊去盡夜深愁聽一池蛙

用前韻招蕃叟弟仍和蕃叟癸卯二絕

細看物理愁如海遙想朋從眼欲花逆水魚兒衝斷岸貪泥  
燕子墮危沙百年喬木參天上一昔平蕪着處佳行樂不妨  
隨解返我無官守似蠍蛙蛙道  
落花風雨奈愁何愁亦不應緣落花尚可流蕩追曲水底頂  
占鵬似長沙孟夏無人語鳥鳥落為我食貧樓筍佳休說  
關河無限恨腹非空怒道旁蛙  
天養須三節中黃起四維欲近千古意眼底合深思

功名還壯士道術付諸儒但欲謀田為舟下五湖

送翁誠之尉慈溪

徐劉文采後鄒魯典刑間為母求三釜令人見一斑晴年無  
事立地解待官閑好索梅花笑題詩海上山  
詩律吾將問心期孰與親明朝當異縣永夜更懷人尚更逢  
三益明農識大臣可無相問訊勿道鬢毛新

和陳仲石韻

久矣懷相與翩然喜見臨清風生案短日過牆陰三事何  
時暖神州半陸沉諸公宣力去伴我水雲深

送謝懷英道士歸廬山懷英棄儒服從皇南道人游  
晚入東宮賜號觀復大師

考屋收餘策匡廬寄一瓢款門如有欲委幣難招美帝留  
終夕蒲團共小橋崆峒他日問應記說神霄陳其自言林靈



一別忘年月重來失故初羨爵今幾尺衙袖竟何書  
子實學未及也 勛業諸公在衰遲半世餘許身無補報  
吾亦欲漁

送陳持中赴四明節推二首

更無人未識東州晚得吾宗第一流編磨在縣金奏合清冰  
出登玉壺秋喜纔一見還分袂懷欲多言但倚樓亦有鄧山  
三四友可令觀政話然不  
前修恨不為同姓更有楚然喜似人歲晏得君顏面好天涯  
從此尺書頻政酒有力同扶世業已將名自紆身它日雲臺  
勛績上南陽應記舊比鄰

乙巳歲首寄彭子復徐子直

又過一羊空草草尋思萬事太勞勞歲煩士友愁新春日見

兒童嘆鬢毛亂并各隨分寸長新禽已變兩三號及時君亦  
圖良集莫待春深水一篙

次韻奉酬丁少詹見過同遊仙巖遇雨而別

佳人何似似江梅邂逅梅陰共舉盃欲與溪山成勝話却因  
風雨得空回新詩報我春乘興小徑從今日掃埃自是衰遲  
愁獨立敢論名字望朋來

瑞安宰劉伯協載酒遊趙園叔靜道甫子宜行之同

集小雨喜齋

上巳所餘春有幾不堪風雨付春愁君能載酒知誰侶我欲  
看花不自由倚岸小舟謀未定隔林斜日故相投暮苦晴  
箒燈去收拾殘紅插滿頭

和丁少詹韻

盡日支頤聽雨聲閑中惟得自知明朋來何敢煩公等老去



方慚負此名待欲短繁看少作敢將尺牘論交情區區却  
從容意要莫令人一座傾

明月隋珠忽墮前坐令衰颯意飄然無端太史頭搶地安得  
揚雄賦上天前輩門墻餘幾在他時竹帛竟誰傳落花流水  
君愁不南渡于今六十年

病餘久不趨郡且遷仙巖書院於屋西有懷同志  
欲往如天際相期忽歲華山空明獨樹江晚暗連葭作屋皆  
三益藏書可萬家豈無人裹飭躬自灌園芽

酬陳頴剛見和前韻

際合皆天意盈虛幾月華家纔辦藜覓吾亦逐盧豈愛世還  
當路論兵有故家深深看踵息陰火養黃芽

寄謝吳英叅議夢作寄詩覺來追記兩句竟夢半年  
皆草草鬢毛一別益蒼蒼足成之

故人不見吾何造欲見其人已異鄉竟夢半年皆草草鬢毛  
一別益蒼蒼籌邊淮海何遲暮乘桴湖湘亦阻長及此居閑  
宜問訊題書須待滿林霜

寄題翁誠之慈溪縣尉廳無我亭

星月明當戶鳥鷺下傷人小亭長獨立通國自相親置尉緣  
求盜居官已喪真須知三尺外敲榜亦深仁

和郡守沈持要賞柑之什三首

滄海無波日萬艘山農困廩自相豪爭看紫橐行阡陌可對  
黃甘負酒醪曲水一觴隨意集成都千騎取頭邀風流儒雅  
誰公似增得東嘉地望高

東都門外問征艘去國身輕亦太豪誰可對床聽夜雨自於  
同社燕春醪不知溫詔從天下又罷幽尋與世遨從此宜休  
堂下夢願瞻松柏為誰高



仰止若溪近一艘幾年猶未識人豪黃堂為客知何夕白髮  
從公飲此醪四海衣冠多後進兩朝几杖舊同邀令人仰視  
冥冥翮不道微風燕雀高

和沈守持要觀潮閣留題

平生欲賦觀潮閣立盡斜陽倦復還一日江山蒙筆力百年  
名字滿人寰郡從晉宋風流後詩到蘇黃伯仲間向去摩挲  
看石刻誰知功在十年閑

公閑居

奉陪王德脩登觀海閣兼呈邑宰劉伯協

觀潮閣在東溟上有客來登自華陽不道雪山通老栢却看  
朝日上扶桑勝游氣合南三郡荆揚益也妙畫家傳晉二王  
後會不知誰與繼爾江吾海永相望

落成王朝奉廟以薄恙不獲預謝劉宰并諸鄉丈五

首

盜起清溪兩漈空童王親自帥元戎誰知小邑無亭障但握  
空拳有隱功

橫塘一字比南金滿紙書勞屬意深太史不知收拾未邦人

父老淚漸襟

許忠簡公嘗手疏王公  
濟守禦事欲列諸朝

操一豚蹄亦可憐欲將廟食自旌賢壞墻頽壁神臺豈不見

干戈六十年

却向平時念後艱攘題百尺忽如山誰將西上逢人問今尹

何如此一斑

抱病荒村望欲迷駿奔無數獨鷄棲瞻望鼓何時歌好聽

農郊雨一犁

和沈守持要題謝公樓額

危樓何在水雲中穿市牙旗退自公閑作此來橫笛夜愛看  
人醉落帆風歡呼夾道江聲合硬語蟠空客技窮姓字從今



聯沈謝不知千古更誰同

沈守生日

燕寢凝香不記春宜休堂下栢輪困三吳南渡今多士四皓  
東宮此一人雅不欲書名上上謾令在處歲陳陳玉卮宴罷  
思黃髮應合從頭第從臣

觀南塘四首呈沈守

會不容舳舻尺間誰知救溺合纓冠今從枕席人行過用  
語最好翻盆雨後看

夾道歡呼百里間不論扶杖與勝冠公年幾許顏何似遲放  
牙端待我看

樂在宜休水竹間十年黃帕裹朝冠却乘五箇花文馬來與  
江村婦子看

別梁潘郎伯仲間竭來公遣去彈冠更將未盡公碑意收入

新詩為並看

止齋先生文集卷之五







